



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

LWETI 2025

EMAMAKI: 80

SIKHATSI: Ema-awa la-2

Leliphepha linemakhasi la-12.



TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:

SIGABA A:	Siviso	(30)
SIGABA B:	Sifinyeto	(10)
SIGABA C:	Takhi netimiso tekusetjentiswa kwelulwimi	(40)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dwebela ekugcineni kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/lupelomagama nendlela lewakha ngayo imisho.
8. Kwehlukaniwa kwesikhatsi:

SIGABA A:	Emaminithi la-50	
SIGABA B:	Emaminithi la-20	
SIGABA C:	Emaminithi la-50	
9. Bhala ngebunono nangesandla lesifundzekako.



SIGABA A: SIVISISO**UMBUTO 1**

1.1 Fundza lethekesthi bese uphendvula imibuto lelandzelako.

ITHEKSTHI A**KUTSENGISWA KWEBANTFU**

- 1 Lilanga lengingete ngalikhohlwa emphilweni yami. Bekulilanga letitsandzani mhla ti-14 Indlovana 2020. Benginesifiso sekutitsengela siphosami selibhuku lelikhuluma ngetelutsandvo, ngitsi ngitibusisa ngalo ngobe kuyinyanga yami yekutalwa. Ngaphuma ekhaya sekuhlwile, ngaya esitolo lebesibucadlwana nje. Ngafika ngatfolakuphitsitela bantfu kutsengiswa netinatfo letibandzako. Ngatsenga sinatfo ngasivula nganatsa ngobe bengomile, kwaba kutifaka kulomnyama umgodzi. 5
- 2 Ngaphaphama sengititfolanngisendlini lemnyama endzaweni lengingayati. Ngacalata yonkhe lendzawo nengcondvo isadidekile, ngabona umfana lebesifundza naye libanga le-11 alele bucadlwana nje. Libito lakhe bekunguColen Dlamini. Bekahlalangenemuva kwami eklasini lebesifundza kulo. Lomfana bekahlala njalo athulile, angakhulumi namuntfu, abukeka akhatsatekile kwangatsi unemibuto leminyenti lengenato timphendvulo. Bekunalamanye emantfombatana lengingawati nawo avalelwe khona lapho. Ngisamangele lomhlolo lengiwubonako, ngeva tigi tebantfu tison dzela, ngetfuka ngehluleka nekunyakata. Ngativa ngingenwa ngemanti emadvolweni. Kwaphambana imibuto leminyenti engcondvweni yami, ngitibuta kutsi, kungenteka kutsi sengiso siphetfo semphilo yami? Batali bami bona batawutsini njengobe bebahlala bangikhuta ngekuhamba sekumnyama. 10 15 20
- 3 Kwangena emadvodza lamabili nemuntfu lomsikati baphetse tibhamu bagcoke nemaglavu etandleni. Kwaphela sikhashana bangasho lutfo, emehlo abo atse njo lakimi. Ngafikelwa kwesaba nangibona kutsi ematfuba ekuphunyuka kulendzawo mancane kakhulu. Bekuvalwe ngetinsimbi letinkhulu kuyo yonkhe iminyango nemafasitelo. Ngathula ngabuka phasi ngishaywa luvalo lolumatima kodvwa ngakhumbula kutsi nawubukene nesimo lesimatima, ngumthandazo kuphela longakusita. Ngisabuke phasi, ngeva lolomsikati abuta lenye indvodza atsi, 'uyitsatseleni lentfombatana, awuboni kutsi sitawungena enkingeni lenkhulu ngayo?' Ngeva iphendvula itsi, 'phela besingeke siyishiye ngobe singafuni kushiya nalomncane umkhondvo, longaseyamanisa nalomsebenti lebesiyowenta kulesitolo'. Ngavela ngatibonela kutsi kwami kuphelile namuhla, ngachachatela kwangatsi ngiva emakhata. Ngatibona sengigeleta ingati ebusweni, ngabona kutsi bengishaywe ngentfo kungako ngaculeka ngangaboni lutfo lokwenteka. 25 30 35



4	Kutsite kusenjalo ngeva sisu sami sidvuma kamatima. Loko kwasho kutsi kukhona lengikudlile lengingakwati, ngacela kuya endlini lencane ngifuna kuyotikhulula. Kulapho kwabuya konkhe lebekusesiswini ngemlomo. Ngatibona ngiphuma emagwebu, ngamangala ngobe angikhumbuli ngidla intfo lenalokumhloshana. Ngeva ingcondvo isanguluka. Ngakhumbula kutsi ngitsenge sinatfo esitolo lebengiye kuso ngasinatsa. Ngavele ngabona kutsi lesinatfo besifakwe tidzakamiva letangiculekisa ngangasaboni lutfo. Ngayikhumbula yonkhe imiyalo yebatali yekutsi ngingabohamba ebusuku, ngingabodla yonkhe intfo lenginikwa yona emigwacweni. Ngadvonsa umoya kamatima, ngishaya umthandazo lomncane sengitinikele kutsi imphilo yami iphelile.	40 45
5	Kwancicacela kutsi sengingulomunye webatfunjwa. Ngetfuka nangicabanga ngendzaba yekushushunjiswa kwebantfu bayiswe kulamanye emave, sengibona kutsi nami sengingulomunye wabo. Ngavele ngavala emehlo, ngatinikela kutsi batali bami bangeke basaphindza bangibone. Ngemuva kwesikhashana nje, ngeva lesinye sigebengu simemeta, sitsi, 'majaha asiphumeni sibaleke, sekonakele.' Ngatsi ngivula emehlo ngabona sekusele tsine lebesiboshiwe. Tigebengu naloyo lomsikati bebangasabonakali ndzawo. Ngadvonsa kancane umoya, ngaba nelitsembe lekutsi kungenteka kutsi sitfole lusito sisindze kulesigameko lesimatima kangaka. Inhlitiyo yami beyishaya ngemandla ngobe konkhe loko lobekwenteka bengingakakucabangi nakancane.	50 55
6	Kwangena emaphoyisa lamatsatfu aphetse tibhamu, ngaweve atsi, 'nifike njani kulendzawo?' Ngatsi nangiphakamisa emehlo ngifuna kuphendvula ngobe laba labanye bebasolo baculekile, ngabona kutsi lolobutako ngumseshi Maziya lohlala endzaweni lebesihlala kuyo, ngakhululeka, ngaba nelitsembe lekutsi sitawusitakala. Ngacina sibindzi ngalandzisa ngako konkhe lokwentekile. Satsatfwa sonkhe sayobekwa endzaweni lephephile. Kulapho satfole khona kutsi kunetigebengu letiyingoti letihamba etitolo, tifike tiftumbe bantfu tiyobabulala titsatse tifo temtimba. Emaphoyisa achaza kutsi bekaloku asesha ngalawo macala. Ngakhumbula emavi amake latsi, ngingabohamba nasekuhwalele ngingakatjeli muntfu.	60 65

[Icanjiwe]


- 1.1.1 Kungani lentfombatana ititfole ikulendzawo yesigameko? (2)
- 1.1.2 Endzimeni yekucala ngukuphi lokusitjela kutsi lentfombatana beyikutsandza kufundza? (2)
- 1.1.3 Endzimeni yesibili khokha umusho lokhombisa kutsi lolokhulumako bekasafundza sikolo. (1)
- 1.1.4 Bhala tintfo LETIMBILI letibalwe endzimeni ye-2 lebetikhomba kutsi imphilo yaColen Dlamini beyingasiyinhle. (2)
- 1.1.5 Bekuyini inhloso yetigebengu ngekutsengisela lentfombatana sinatfo lesinetidzakamiva? (2)



- 1.1.6 Kwenta njani kungenwa ngemanti emadvolweni njengobe kushiwo endzimeni yesibili? (2)
- 1.1.7 Ucabanga kutsi ngusiphi sizatfu lesenta kutfunjwe bantfwana bemanfombatana kakhulu? Bhala TIMBILI. (2)
- 1.1.8 Kungani tigebengu tisebentisa emaglavu ngaso sonkhe sikhatsi natiyoganga? Sekela imphendvulo yakho. (2)
- 1.1.9 Ucabanga kutsi emaphoyisa ashayelwa ngubani lucingo njengobe sekatfolakala asendzaweni yesigameko? Sekela imphendvulo yakho. (2)
- 1.1.10 Kuliciniso nobe kuliphutsa yini kutsi labasikati sebagucuke tigebengu kuletikhatsi talamuhla? Usho ngani? (2)
- 1.1.11 Nguwuphi umlayeto lowetfulwa nguletheksthi lengenhla? Sekela imphendvulo yakho. (2)
- 1.1.12 Letheksthi lengenhla ilufundzisani lusha lwanamuhla? Sekela imphendvulo yakho. (3)

1.2 Bukisisa lesibonwa bese uphendvula imibuto lelandzelako.

ITHEKSTHI B



[Itsetfwe ku-[www. google.com](http://www.google.com)]

1.2.1 Khetsa YINYE imphendvulo.

Lesibonwa simayelana nani?

- A Netemgidvo
- B Netekucwaninga
- C Netemfashini
- D Netemfundvo

(1)



- 1.2.2 Nguyiphi indlela yekuchumana longayisebentisa kuveta lokukulesibonwa? (1)
- 1.2.3 Ngemaphuzu LAMABILI bhala imisebenti lusha lolungatiphilisa ngayo nawubuka lesibonwa. (2)
- 1.2.4 Ngekubona kwakho loku lokuvetwe kulesibonwa kungawutfutfukisa njani umnotfo welive laseNingizimu Afrika? (2)
- Sekela imphendvulo yakho. (2)

SAMBA SESIGABA A: 30



SIGABA B: SIFINYETO**UMBUTO 2**

Fundza letheksthi bese uyayifinyeta uvete emaphuzu LASIKHOMBISA lamayelana **netimphawu letibangwa kushisa kwemhlaba etilwaneni.**

CAPHELA:

1. Bhala emaphuzu LASIKHOMBISA ngemisho legcwele ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C**KUSHISA KWEMHLABA**

Kushisa kwemhlaba kunemtselela lomubi ebantfwini nasetilwaneni. Kushisa kwemhlaba kwenta kutsi kube netintfuli letigcwele emoyeni letiphuma etitjalweni nakumablomu. Lokushisa kwemhlaba kuhambisa lempushana levela etitjalweni bese ibanga kungaphili kahle ebantfwini nasetilwaneni. Kuhlaseleka lokuletfwa ngulempushana kuphatamisa imphilo yetilwane nebantfu. Letinye utiva setitsimula tingacedzi, tivaleke nemlomo lokukhomba kutsi nato setihlaselwe tifo letifana naleto tebantfu letibangwa kushisa kwemhlaba.

Banikati betilwane tasekhaya kufanele bacaphele letimphawu letikhomba kuphatamiseka emphilweni yetilwane. Timphawu kufanele tibukwe ngeliso lelicinile kuvikela kufa kwetilwane. Letimphawu letifaka kuluma kanye nekuhlikihla emehlo kumele ticaphelisiswe kakhulu. Loko kutakunika siciniseko sekutsi silwane sakho sinenkinga lebangelwe kushisa kwemhlaba. Tindlebe letihlukumetekile tinuka kabi futsi natitsambile tisho kona kutsi silwane sesinesifo futsi sidzinga kwelashwa. Letinye tilwane utibona setinemabala labovu lasho kuhlaseleka lokusuka ngekhatsi esikhunjeni.

Letinye tilwane tivele tibe nesikhumba lesicinile. Kucina kwesikhumba kuyimbangela yekuhlaseleka kwaso, nangabe singanakwa singagcina sifile. Kucindzeteleka kwesisu nekulahleka kweboya esilwaneni kukhomba kugula lokucubuka ngekhatsi. Lokungasita ekulawuleni lokugula etilwaneni kudla lokunemsoco. Kufanele tilwane tidle kahle ngobe kuvamile kutsi kudla lokunemsoco kunganakwa njengentfo lebalulekile.

Tilwane nato tiyefana nebantfu tidzinga kunakekelwa natigula, kuhlolwe imphilo yesilwane ngemuva kwelizinga lekushisa kakhulu kwemhlaba. Kuphefumula kabuhlungu nekukhala kwesilwane singathuli kukhombisa kuhlaseleka. Banikati betilwane kumele babuke kutsi leso silwane sihlaseleke kuyiphi indzawo bese sesiyalashwa ngendlela lefanele. Letimphawu kumele tinakisiswe ngaso sonkhe sikhatsi kusindzisa imphilo yato, kungako kufanele kube netinhlelo tekufundzisa bantfu emmangweni ngekushisa kwemhlaba lokungentiwa bodokotela betilwane nalabo labativikelako.

[Itsetfwe ku-Skyways, February 2025, yahunyushwa]



SIGABA C: TAKHI NETIMISO TEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi bese uphendvula imibuto lelandzelako.

ITHEKSTHI D**PHILA NGEKUVAKASHELA KASITABANTFU.**

Kubhema kanye nje, lithuna!



1. Asikhetsi bala lamuntfu, umdzala nobe umncane uyasitakala.
2. Uhlushwa ligwayi? Buya sikwelaphe.
3. Balekela libhokisi utfole lusito ngaphandle kwekukhokha.
4. Ngelilanga linye nje, utawube uphile saka!
5. Nabososayensi beva ngatsi.

Sitfolakala kuto tonkhe Tikhungo Tetemphilo kulenombolo: 011 534 5623

[Itsetfwe ku-www.smokingkills.com]

3.1 Khetsa YINYE imphendvulo.

Kungani sihloko sibhalwe ngemagama lamakhulu kulesikhangisi?

- A Kuheha
- B Kugcugcutela
- C Kuhalalisa
- D Kubongelela

(1)

3.2 Bhala inkhulumo lehungako lekulesikhangisi.

(1)




- 3.3 Tsatsa libito lelidvwetjelwe enkhulumeni ye-2 ulisebentise emshweni lotakhele wona libe ngumentiya. (2)
- 3.4 Lomusho lokulesikhangisi lotsi, 'Asikhetsi bala lamuntfu, umdzala nobe umncane uyasitakala.' Uveta luphi luhlobo lwenkhulumo? Usho ngani? (2)
- 3.5 Lenkhulumo lekunombolo ye-4 ayisilo liciniso. Fakazela lesitatimende. (2)
- 3.6 Ucabanga kutsi lenkhulumo lekunombolo ye-5 isetjentiselweni kulesikhangisi? Sekela imphendvulo yakho. (2)
- [10]**



UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHEKSTHI E

[Itsetfwe ku-www.google.com]

4.1 Khetsa YINYE imphendvulo.

Bhala libitomfutiselo laleligama lelicindzetelwe efreyimini ye-1.

- A Likhabishi
- B Ligusha
- C Libhanana
- D Litsanga

(1)

4.2 Sebentisa ligama lelitsi, 'ekolishi' emshweni lotakhele wona.

(1)

4.3 Lenkhulumo yalolomsikati efreyimini ye-1 iluhlobo luni? Chaza.

(2)

4.4 Chaza kutsi kungani kutsiwe lenkhulumo yalodokotela losefreyimini ye-1, itsintsa imiva.

(2)

4.5 Lenkhulumo lengentasi iyinkhulumonkholelo. Usho ngani?

Ngivele ngeva ngemlomo wami udzikitela kutsi utangikhuba.

(2)

4.6 Utsini ngalengkulumo yalodokotela ledvwetjelwe efreyimini ye-2? Sekela imphendvulo yakho.

(2)

[10]



UMBUTO 5: IPHROZI

5.1 Fundza lethekesthi bese uphendvula imibuto lelandzelako.

ITHEKSTHI F**KUCONDZISA IMIVA EBANTFWANENI**

- 1 Kucondzisa imiva yebantfwana labancane, ikakhulukati nangabe batfukutsele futsi badvumele kungaba lukhuni kunobe ngumuphi umtali, kusho Nkhosatana Tintfombi Kunene. Labantfwana laba badzinga lusito ngekubabonisa ngetindlela letisebentako tekubukana netimo letimatima. **Kubalulekile kwesekela batali labanebantfwana labanenkhinga yekugcondzisa imiva yabo.** 5
- 2 Bantfwana bangafundza kucondzisa indlela labativa ngayo kusukela basebancane. Ngekufundzisa bantfwana tindlela tekuvisisa nekucondzisa imiva yabo, kungancedza nakulabo labangakayi enyonini. Lenye yetimiso letibalulekile tekucondzisa imiva lematima kutsi bantfwana bakhone kubona kutsi bayakhatsalelwa. 10
- 3 Nangabe umntfwana acindzetelekile nobe atfukutsele, intfo yekucala lekufanele uyente bani **nelisu** lekumdvudvuta, umnike sibindzi kutsi emukele indlela lekativa ngayo. Lokunye kufanele umlalele kunekutsi ucale ngekumjezisa. Sebentisa emagama lanjengekutsi, 'ngiyabona kutsi uphatseke kabi', asita bantfwana bative bavisiswa futsi anciphisa kutfukutsela nemiva lematima. 15

[Itsetfwe ku-Skyways, February 2025, yahunyushwa]

5.1.1 Phindza ubhalo lomusho longentasi wente ligama lelidvwetjelwe likhombe bucalu.

Labantfwana laba badzinga lusito ngekubabonisa ngetindlela letisebentako.

(1)

5.1.2 Khetsa YINYE imphendvulo.

Isho kutsini lenkhulumo lelangentasi?

'... kungancedza nalabo labangakayi enyonini.'

- A Labangakadlali
- B Labangakaculi
- C Labangakakhulumi
- D Labangakafundzi

(1)

5.1.3 Akha umusho ngeligama lelicindzetelwe endzimeni ye-3 uvete mcondvofana walo.

(2)

5.1.4 Phindza ubhale lomusho locindzetelwe losendzimeni ye-1 ulungise emaphutsa esipelingi.

(2)

5.1.5 Sebentisa ligama lelidvwetjelwe endzimeni ye-2 emushweni lisho kwentana.

(2)

5.1.6 Kunelibitongco kulethekesthi lengenhla, likhokhe ulisebentise emshweni lotakhele wona.

(2)



5.1.7 Bhala lomusho longentasi esikhundleni seligama lelidvwetjelwe ufake inchazelo.

Lokunye kufanele umlalele kunekutsi ucale ngekumjezisa. (2)

5.1.8 Phindza ubhale lomusho ukhombisa sikhatsi lesengcile.

Ngiyabona kutsi uphatseke kabi. (2)

5.2 SITFOMBE

Fundza lesitfombe bese uphendvula imibuto lelandzelako.

ITHEKSTHI G



[Itsetfwe ku-www.google.com]

5.2.1 Khetsa YINYE imphendvulo.

Leligama lelidvwetjelwe kulenkhumalo mabhamuta iluhlobo luni lwesinongo?

- A Sifanisongco
 - B Sifaniso
 - C Sihabiso
 - D Silutfo
- (1)

5.2.2 Sebentisa sentakutsi lesicindzetelwe emshweni lotakhele wona.

Indlela leya emphumelelweni icondze **tfwi**. (1)

5.2.3 Cala lomusho longentasi ngekutsi, 'Sipho utsi ...'

Sibhizi sifundzana netincwadzi letingapheli. (2)

5.2.4 Hlanganisa lemisho lengentasi ngesihlanganiso lesifanele.

Lesifundvo silukhuni impela. Sifuna umuntfu abe yintfutwane lucobo lwayo. (2)

[20]

SAMBA SESIGABA C: 40
SAMBA SAKO KONKHE: 80

